

451.

Die Universität bittet Herzog Moritz zu bewilligen, daß sie behufs baulicher Zwecke das neue Collegium und andere Besitzungen der Universität an die Hinterlassenen Dr. Heinrich Stromers gegen 1000 Thalergroschen verpfänden könne. **Leipzig, 1545 März 10.**

5 *Hdschr.: Or. Pap. Hauptstaatsarchiv Dresden Leipziger Händel 1422—1553 loc. 10532 fol. 311—313.*

Durchlauchtiger hochgeborner furst. E. f. g. seynt | unsere unterthenige, schuldige und willige dienst zcu|vor. Genediger furst und herre. Wir | können nicht umbgehn, das wir doch ane das zcum liebsten thun wolten, e. f. g. zcu mehrmale untertheniglich antzulangen, der unterthenigen zcuvorsicht, e. f. g. werden dasienige, so von uns noth
10 halber vorgenommen wirt, in ungnaden nicht vormercken. Und ist genediger furst und herre an deme wir die milde und gantz genedige ubergabe, die e. f. g. der universitet in cynreumung des Paulerclosters gethan, nicht ubel an uns bewent und angelegt seyn lassen, das wir dasselbige domit es zcu bewohnen und zcu gebrauchen haben an und zcurichten lassen müssen, darauff weil der heuser viel, auch wie e. f. g. genedigklich zcu
15 erachten, bißher vill gangen und nach teglich gehet, weil aber mit hulfte der genedigen steuer und zculage, so e. f. g. uns genedigklich haben thun lassen, wir die inwendige gebeude der iugent so sich alher gewandt zcu guthe, in den mittelheusern fast alle das sie zcu bewohnen inmassen sie dan auch bewonet werden, vorfertiget, dorzcu wir dan nach hochgedachter zculage die tausent gulden, so wir mit derselben genedigen zculassung
20 von Cuntz Gunterroden seligen erben uff zcinse angenommen, hirczu neben andrem auch iungst bewilligtem gebraucht haben und nuhmals abir das lange haus kegen dem nau-margk mit dem grünen zeigeldach sampt dem beginenhause, das wir dorinne doctorem Klesing wonen lassen wolten e. f. g. an uns iungst genedigklich haben begeren lassen, gegen der gassen auch zcu bauen und zcutzurichten notwendigk seyn will, angesehn
25 das sulch beginenhauß finster, ungeheuer und unwonhafftigk, das ander aber gantz lehr und untzugericht, dweyl dan obgedachte innere gebeu vor die iugent gemacht und abir die unsern so mit weip und kindt befallen aus den mittlen in der stadt gedrungen werden, wolten wir (domit die frembden professores umb eyn zeimblichs yhre wonungen diß orts haben möchten) diese heuser zcu vier mittlen notturfftigklich und nutzlich anrichten
30 lassen zc., domit eynmall des ganzcen collegii zcinse in eyn ordenung und zcu ablegung der auffgenommen schulde möchten gebracht werden. So es abir uns an gelde mangelt, so haben wir uns bewurben und entlich erhalten, das uns zcu erhaltung und zcurichtung sulcher mietten doctores Heinrichen Stromers seligen nachgelaßne witwe und derselbigen kinder vormunden auch eyntausent talergroschen gunstiglich vorstrecken und legen
35 wollen, doch uff den fall alleyn, das wir yhnen dokegen gemelt neu collegium und andere der universitet güther mit e. f. g. genediger gunst und nachlassen vorhipotheciren und eynsetzen, wilchs wir nach gelegenheit der universitet rathsam und sunderlich bequem und anders nicht erachten können, darumb das der zcinse, so aus den heusern wan sie nue alle erbauet, genummen werden magk, etwas mehr dan der zinß, so wir vom gelde,